

Resolución numero: 21

Asunto: O demostratibo de primer termino

Testo de a resolución

O paradigma de o demostratibo de primer termino que se consella emplegar (tanto en a funzió de pronombre achetibo como en a de pronombre sustantibo) en a escritura común ye *iste/este, ista/esta, istos/estos, istas/estas, isto/esto*.

Chustificazió

Se trata de as dos formas más espartidas en a fabla biba. Si bien no ye incorreuto ro paradigma *este, esta*, ya que ye d'amplo empleo en muitas redoladas de l'Alto Aragón, se considera o paradigma *iste, ista* como ro más propio de l'aragonés, fendo chuego con o demostratibo de segundo termino *ixe, ixa* (siga por razons d'analogía con iste zagüero u por atras razons) y estando ro más emplegato en a luenga escrita común, con o que ya tien una tradición importán. Ye por istas considerazions que, encara que azeitando as dos formas como correutas, parixe razonable atorgar preferenzia á ras primeras. Bi ha atras formas, como *estes* ta o masculino plural (Bal de Bielsa, Bal de Chistau, puntos de Ribagorza), e *istes* ta o masculino plural (Bisagorri, Renanué).

Atra cosa diferén ye a forma *istes* ta o femenino plural (Alta Bal de Benás), que responde a una estendencia fonolochica local á prenunziar en [es] os plurals rematatos en –as en a parti septentrional d'ixa bal.

Bibliografía

NAGORE LAÍN, F.: *Gramática de la lengua aragonesa*, 5ena edizió, Zaragoza, Mira Editores, 1989, pp. 79-82